



國朝耆獻類徵初編



劉子玄子孫世世



國朝耆獻類徵初編卷三百七十七目錄

孝友三

陸崑

顧鼇

劉業廣

曹廣攄

陸可宗

姜應隆

姜璜如
姜懷權

姜文樞
姜軾

姜超萃

陸起鵬

陸起鵬

孫士長

徐安世

高宿登

潘允慎

唐肇虞

蔡綦春

范洪震

程士章

胡之琳

徐爾正

孔興燦

興永

李復新

長三愛

紀元

蔣本生
宋之素
劉孔覺

李岳伯
漆文先

李之棟
子長盛
黃嘉林嘉章

張可智
蔣之顯

國朝耆獻類徵初編卷三百七十七

通奉大夫前署江西巡撫江西布政使司布政使湘陰李桓輯

孝友三

陸崑

前代故家遺俗之盛莫有過於吾鄉者也星移物換之際其爲喬木增重者一姓之中大率四五人不止高曾規矩可以想見湖上陸氏所稱四姓之一也吾得殉國者二焉大行文虎先生死於刺觀察周明先生死於逮得殉父者一焉隱君雪樵先生死於兵又得高士者一焉則觀察之弟春明先生也嗚呼百六之厄乃反爲王謝世譜之光悲夫雪樵名崑字萬原鄞人觀察之族孫也其父

淳古翁善畫能得文章家三昧而非屑屑繪事者流雪樵幼而工詩補諸生丙戌以後自以世受國恩不肖復出試於布政使司淳古翁曰善乃放浪爲詩人時春明方舉汐社故事於湖上故錦衣青神余公生生自燕來黃山宗正庵蛟川范香谷同里董曉山葉天益皆集焉而雪樵最少觀日樓者春明之居也雪樵與五人者靡日不至以大節古誼交相勸語者默者流觀典冊者狂飲作白眼者痛哭呼天不置者皆見之詩其時評雪樵之詩者以爲吐棄一切古穆如彝尊雪樵之去春明僅一巷而與正庵爲比戶其唱酬爲尤多桐城方子畱畸士也由春明以交雪樵相得甚驩遂居其湖樓中已而奉其父僦居東皋之殷隘己亥海上師大舉游兵

至於鄞之東鄙四月諸盜亦乘間並起亂兵猝至索餉欲執淳古
翁爲質雪樵頓首請以身代其父得釋而餉終不副雪樵死之時
年二十有七嗚呼雪樵束修厲行力固逸民之操以養其父而卒
不免蘭摧玉碎可爲傷悼然而忠孝足以不朽矣前輩董丈允瑫
嘗欲爲作傳而不果其旣於今湖上七子之風流已盡而雪樵尤
爲湮晦予求其事亦有年矣卒不能得其詳聊識其大略以俟世
有杜清碧其人者

右傳全祖望撰

顧鼇

顧孝子鼇吳縣人也年二歲時父仲常爲其仇金瑞甫所殺鼇稍長知父死狀卽淬一刀挾以出入金亦避之順治辛丑鼇年十八遇金於胥口拔刃刺之金躍入水鼇從之連刺不死金逸去挾重貨誣鼇以盜兵備王紀郡丞劉瑞訊得實卒誅瑞甫

右事略李元度撰

李元亨

貴州人以盜其計王師將不隱辭屈實卒精誠甫

金其醫口賊以陳之金其入木其盜之數賊不其金其去賊

其賊又其賊明者一其賊以出入金衣其之賊其辛任其辛

其辛其賊人也辛二其賊其父其常為其其金其其其賊其

其賊

劉業廣

戊戌吉州同成進士者七人獨劉公爾勤恬淡謹慤有道自持每誠同籍曰官箴無他惟當小心時因子讀書中祕尤多規誨每奉其教佩服弗忘庚子予以差竣薄暮於急帆中相邁峽江急停楫聯舟把手論心談至夜半公之誠勉於予者無異其在京門之年孰知逾年後公竟長逝而嗣君遽持狀勾銘哉公諱業廣字爾勤號慵庵安福城南前溪人始祖劉諱某南唐時爲吉州長史歷宋元多顯者入明益盛登進士者十人正德丁丑進士諱模者官柱史則公從叔祖公生有異質貌昂而豐頂間露魁文人奇之七歲失怙稍長隨王父直軒公游諸名家讀書崇禎庚午見知於蔡忠

襄公補弟子員己卯見知於馬公素修領鄉薦越二十年以順治
戊戌始成進士公生平孝友天成每念父完中公早歲卽世常不
禁嗚咽其事王父極孝謹因世多故環地皆兵寇公奉直軒公郊
潛惟恐不測夜不解帶侍榻側者二年及直軒公辭世正干戈搶
攘瑣尾流離公且歸家治喪禮如平時明日兵突至左右俱散公
獨練冠麻裾斬經之衣抱木主於懷而逸爲兵獲強公行三十里
至夜營兵各訊所獲搜公懷中僅得木主將兵者駭而謂言此逃
死求活惟恐不及之時獨抱主以避此爲真孝廉特禮貌之未旦
遣兵護出境以歸聞者以爲孝行之報公以不及事父事繼母康
孺人尤謹孺人間遘疾門內無服勞者凡煮藥進嘗起居盥漱皆

公躬親之公因貧而孤常館於外自給又以不能長侍慈幃每月所得舌田者析金爲三十日費家人日持其一侍甘旨月終必歸問安以析金爲三十日計者又如初公故鮮昆仲有二弟皆季父生各數歲蚤孤旣家貧又丁時艱季母日闔門涕泣恐弗獲有成公則母事其母子視其弟衣服飲食絃誦詩書固無不與其子同遇有急必親見二弟雜家人中行公迺行長則爲締婚公孝友篤摯見於從弟者如此至其操持素履捷兩闔後謙光樸素有加誓不接俗人俗事惟鍵戶課子弟郡邑有司不輕投刺至事關利害者則又不憚觸諱以陳安福故事凡鄉達田畝例立副甲無徭役以故編戶糧少差重積年苦之辛丑編審公獨毅然以身爲倡謀

諸紳士協議遂得廢副甲均徭役此又公之居鄉而有益桑梓者
噫使天假以年俾獲展志以膺地方之寄則本其孝友以教民本
其爲法於鄉里者而爲福於蒼生當自有霖雨功業垂諸天壤而
不幸僅以一名進士終其身予以公之教誨幸告無罪於居官之
日而又悲公不能大行其志以報朝廷一日之知其何能無一
言以譜公操履大槩以告將來哉公生萬厯丁未年月日卒順治
辛丑年月日元配孺人朱氏大橋朱伯修女子錫爵康熙八年鄉
薦第一娶大橋瀘溪尹長子文學朱益光女女二長適司寇槎江
朱公從孫銓次女適金雞侍御王公之孫王汧孫一庚生孫女未
字銘曰

造次於是大風雷雨不願乎外吾亦猶古名則成心則苦雖死如
生惟懷中主

右墓誌銘張貞生撰

古基清論與主繼
主繼中主
大風雷雨不驟平於香亦餘古各明知必煩苦難

曹廣攄

孝子名廣攄字蘊昔今兵部侍郎曹公國柄之長子也以蔭入國
子監年二十五會其母夫人病乃刲股肉爲羹以進母飲之而瘳
先是孝子亦病旣刲股匿其創不以告創驟受風病遂亟逾若干
日歿實順治十有八年也於是顧御史如華傳之詳矣因略其事
如右或問於子曰毀傷支體以至於死此非古聖人之訓也又非
國家之令甲所聽也孝子豈未之知邪子應之曰奚爲其不知也
當其勢危而情迫藥之不瘳禱之不應欲控額而靡所亦奚暇古
訓之遵而禁令之卹邪故雖死無憾也嗟乎昔之君子效命於君
父者多矣今之君子能乎否也旣不能勉焉爲之而猥譎巧謬之